


GULIELMI CAMBDENI

ELOGIA

ANGLORUM.

Hi Majores Tui sunt, si Te
illis dignum præstes. *Sen.*




LONDINI,

Excudebat T. W. pro Gulil. Lee ad insigne

Capitis Turcini in vico vulgo dicto

Fleet-street, 1653.





V. C L.

Gulielmi Camdeni Elogia Anglorum.
M. D. L X V.

T *Thomas Chalonerus*, vir clarissimus, patria *Londinensis*, educatione *Cantabrigiensis*, qui tam *Musis* quam *Marti* se devoverat. *Juvenis* sub *Carolo V.* in expeditione *Algeriana* meruit, ubi naufragus cum nataisset donec vires & brachia deficerent, tandem rudente mordicus apprehensa, non sine dentium aliquot jactura evasit. Regnante *Edvardo VI.* in prælio *Musselburgensi* adeo strenue pugnavit, ut *Dux Somersetsensis* eum equestri dignitate ornaverit. Sub *Elizabetha* honorifica legatione ad *Ferdinandum Imp.* & ordinaria in *Hispania* toto fere quadriennio perfunctus: ubi *De Rep. Anglorum instauranda* terso & erudito carmine quinque libros composuit: dum (ut ille dixit) *hieme in furno, æstate in horreo degeret.*

M. D.

M. D. LXVII.

Nicolaus Wottonus, utriusq; *Juris* D. Ecclesiæ Cant. simulq; *Eboracensis* Decanus: vir natalibus clarus, sed prudentia domi forisq; longe clarior. Regibus enim *Henrico VIII. Eduardo VI. Mariæ & Elizabethæ* ab intimis consiliis; ad Imp. *Galliæ & Hispaniæ* Reges, aliosq; principes *Novies* legatus; ter pacis reconciliatæ inter *Anglos, Gallos & Scotos* delegatus: & ab *Henrico VIII.* inter *XVI.* Supremi Testamenti curatores electus.

M. D. LXVIII.

Rogerus Aschamus, Qui in *Eboracensi* Comitatu natus, & *Cantabrigiæ* educatus, inter primos nostræ nationis, literas Latinas & Græcas, styliq; puritatem cum eloquentiæ laude excoluit; *Elizabethæ* studiis aliquandiu præfuit, eidemq; Reginæ ab *Epistolis* erat Latinis; cum tamen *Alea & Alestryomachia* plus nimio oblectaretur, re tenui vixit & obiit, relictis duobus libris elegantissimis ingenii monumentis lingua vernaculâ: quorum alterum *Toxophilum*, alterum *Scholarcham* inscripsit.

M. D.

N*icolaus Throcmortonus*, Vir magno rerum usu, judicio acerrimo, solertiaq; singulari; qui multa movendo ægre sub *Maria* prudentiâ disertâ vitæ consuluit: Et sub *Elizabetha* indefessâ operâ, multis legationibus magna cum laude defunctus, nisi ad exiguas opes & tenues illas dignitates, licet nomine speciosas, primarii *Pincernæ* Angliæ & *Camerarii* Filci Regii, emergere non poterat, dum *Cecilio* æmulatorem in *Leicestrii* gratiam se objiceret.

M. D. LXXI.

J*oannes Juellus*, vix quinquagenarius: vir singulari ingenio, exquisita in *Theologicis* eruditione, & summa pietate. Ille honesto loco in agro *Devoniensi* natus, Acad. *Oxon.* in Coll. *Corp. Christi* alumnus laudatissimus, sub *Maria* in Germania exulavit, ab *Elizabetha* ad Episcopatum *Sarisburiensem* promotus, *Apologiam Ecclesiæ Anglicanæ*, Anno M. D. LXII. edidit: Protestantiumq; doctrinam contra *Tho: Hardingum*, qui ab eadem defecerat, uno & altero volumine doctissime nostra lingua asseruit, quæ Latine conversa extant.

M. D.

M. D. LXXII.

Guilielmus Petrus, Eques Auratus, è san-
ctiori Consilio, & à secretis *Henn. VIII.*
Edv. VI. Maria & Elizabethæ, Ordinis-
que *Gartherii* Cancellarius, multis legationi-
bus cum laude perfunctus: qui ex honesta
familia *Exonia* natus, cum prudentia & do-
ctrina magnas opes collegisset, ad doctrinam
promovendam *Exoniense Coll. in Acad. Oxon.*
in quo educatus, favente *Maria Regina*,
annuis proventibus beneficè adauxit.

M. D. LXXIII.

Joannes Caius, medicus celebris, patria
Norwicensis, educatione *Cantabrigensis*
& *Patavinus*; qui multa *Galenii & Celsi* Lati-
ne convertendo, & plura commentando, assi-
duam operam rei Medicæ, & universas opes
Reip. literariæ contulit, adjungendo Novum
Collegium veteri *Gonwelli Aulæ Cantabrigiæ*,
XXIII. studiosos perpetuo alendos: unde
Gonwelli & Caii nominibus in unum Colle-
gium coaluerunt, in quo ille tumulatur cum
hac Epigraphe, *Fui Caius*.

M.D.

M. D. LXXVI.

Antonius Cocus septuagenius, vir eque-
stri dignitate, antiqua severitate, &
doctrina multiplici; institutor pueritiæ Regis
Edwardi VI. fælix filiabus, quas Græcè &
Latinè supra sexum eruditas clarissimis viris
Gulielmo Cecilio, qui Angliæ Thesaurarius,
Nicolao Bacono, magni Sigilli Custodi, *Tho-*
ma Hobeio, qui legatus in Gallia obiit, *Ra-*
dulfo Rouletto & *Henrico Killegrew* eloca-
verat.

M. D. LXXVII.

Thomas Smithus, alter è Regiis Secreta-
riis: vir ob multiplicem eruditionem &
prudentiam in multis legationibus memoran-
dus. Natus ille parentibus honestis, *Waldenæ*
à croco denominatæ in *Essexia*, educatus in
Coll. Reginae Margareta Cantabrigiæ; annis
maturior selectus ut in *Italiam* regiis impensis
mitteretur (ad nostra enim tempora nonnulli
adolescentes optimæ spei ex utraq; Academia
ad uberiores ingenii cultum Regum sumpti-
bus in exteris regionibus alebantur:) inde
titulo Doctoris *Juris Civilis* auctus rediit:
eamq; apud Ducem Sommerseti *Edwardi VI.*
protectorem gratiam invenit, ut alter à *Ceci-*
lio factus fuerit Regis Secretarius: rei Stan-
nariæ Seneschallus: Decanus Carlionensis,
&

& *Atonensis* Coll. præpositus, de quo optime meruit. *Maria* Regina his dignitatibus cum exiit, pensione annua C. librarum ad vitam assignata: ea tamen lege ne Regno excederet. Quamprimum *Elizabetha* sceptro potita, ad Remp. revocatus, adfuit cum Theologis *Liturgia Anglicæ* emendandæ: Legationes deinde cum laude obivit. Reipublicæ literariæ in Anglia *Lege Annonaria* pro Studioforum Collegiis, quam primus rogavit, imprimis contuluit: & magis sane quam scriptis, licet reliquerit imperfectum Opus de *Rep. Anglorum*; librum singularem de *Lingua Anglicæ Orthographia*, alium de *Græcæ pronunciatione*, & accuratum de *Re nummaria* Commentarium, dignissimum qui lucem aspiciat.

M. D. LXXIX.

Nicolaus Baconus, Magni Sigilli Angliæ Custos. Sub quo nomine, honore & auctoritate *Cancellarii Angliæ* ex *Parlamentario* decreto usus erat. Vir præpinguis, ingenio acerrimo, singulari prudentia, summa eloquentia, tenaci memoria, & Sacri Consilii alterum columnen.

Thomas Greshamus, Civis *Londonensis*, mercator Regius, & ex ordine equestri, *Richardi Greshami* ex eodem ordine F. Qui patriæ ornameto & mercatorum usui,
Peristyl-

Per *Styllum pulcherrimum* (*Excambium Regium Elizabetha* nominavit) *Londini* extruxit: & ædes, quas in urbe habuit amplissimas, bonarum literarum professioni dicavit; constitutis in iisdem *S. Theologia, Juris Civilis, Medicina, Astronomia, Geometria & Rhetoricæ* prælectionibus cum honestis salariis.

M. D. LXXXI.

Edmundus Campianus, è Societate Jesu, accusatus ex lege Majestatis XXV. *Edwardi III.* Reginae regnoq; perniciem struxisse, &c. capitis damnatus & extremo supplicio affectus. Fuit is *Londinensis*, vir suavis & politissimus, educatione *Oxoniensis*, è Coll. *S. Joannis*, Procuratoris Academiae munere Anno M. D. LXVIII. perfunctus. Protestantium Religionem Diaconus factus simulavit, donec se ex Anglia subduxerit. Scripto proposito, Ministros Ecclesiae Anglicanae ad Disputationis certamen provocavit; & librum *X. Rationum* tersum & politulum ad *Rom.* Ecclesiae doctrinam asserendam Latine edidit. Cui *Whitakerus* solide respondit. Postea ad disputandum productus, expectationem concitatam ægre sustinuit.

M. D.

E*dmundus Grindallus*, Archiepiscopus *Cant.* Metropolitanus & totius Angliæ Primas; cæcus & Sexagenario major. Vir pius & gravis: qui ex exilio sub *Maria* reversus primum *Londinensis* Episcopus, postea *Eboracensis* Archiepiscopus, & tandem *Cantuariensis*, summa apud Reginam gratia diu floruit, donec subdolis artibus omnino excidit; quasi turbulentorum ministrorum conventiculis, & *Prophetiis* (quas vocarunt) favisset: revera, quod *Julii Medici* Itali illicitas cum alterius uxore nuptias, *Leicestrio* frustra obnitente, damnasset. Opes, quas paravit, tenues, ad Scholam apud *S. Bege* in Cumberlandia, ubi natus, fundandam, & bonas literas in utraque Academia promovendas contulit. Ejusq; curæ (si rem tantillam memorare liceat) *Tamaricem* Angli debent: quam induratum *Lienis* passionem eximie juvare expertus, primus in Angliam transtulit. Successit *Jo. Whitgiftus* à sede Wigornienſi translatus: vir optimus & eruditissimus, qui & *Justitiâ* in Walliæ præfectura, & doctrina in Ecclesiastica Angliæ politeia propugnanda singularem laudem consecutus: quam fortitudine, prudentia & patientia indies adauxit.

M. D. LXXXVI.

E*dmundus Plowdenus*. Qui ut in *Juris* Anglici scientia, de qua scriptis bene meruit, facile primus; ita vitæ integritate inter homines suæ professionis nulli secundus.

M. D. LXXXV.

R*ichardus Caldwellus*, è Coll: *Anci nasi* Oxoniæ, Medicinæ D. qui ut de Rep. bene mereretur, (adscito in partem honoris Barone *Lumleio*) Lectionem Chirurgicam honesto salario in medicorum Collegio, Londini à *Thoma Linacro* fundato, instituit.

M. D. LXXXVI.

P*hilippus Sidneius* (prælio ad *Zutphaniam* conferto) equo perfosso, dum alterum ascendit, glande femur trajectus, XXV. post die, magno sui desiderio bonis relicto, in flore ætatis exspiravit, vix IV. menses patri superstes. Cui *Leicestrinus* avunculus in Angliam reverlus exequias magno apparatu & militari ritu in Templo S. *Pauli* Londini solvit; *Jacobus* Rex Scotorum Epitaphio parentavit; utraq; Academia *Lacrymas* consecravit; & Novum Oxoniæ Collegium elegantissimum *Peplum* contexuit. Hæc & ampliora viri virtus,

tus, ingenium splendidissimum, eruditio politissima, moresq; suavissimi meruerunt.

M. D. LXXXVI I.

R *Adulfus Sadlerus*, Ducatus *Lancastriae* Cancellarius: vir magnis & multis Reip. negotiis spectatus, & ultimus Angliæ *Baneret-tus*; qua dignitate in prælio *Musselburgensi* fuit ornatus.

M. D. LXXXIX.

G *ualterus Mildmayus*. Vir pietate spectata & prudentia singulari, omnibus boni civis, viriq; boni officiiis perfunctus: ab *Henrico VIII.* Curia Augmentationum Supervisor constitutus: ab *Edwardo VI.* Equestri dignitate ornatus: & ab *Elizabetha* in Sanctius Consilium adscitus: Fiscus Regii Cancellarius & Subthesaurarius. Qui ut pietatem & bonas literas promoveret Cantabrigiæ, anno M. D. LXXXIV. *Emanuelis* Collegium (in quo studiosi LXII. sub Præfesto aluntur) extruxit. In ejus locum successit *Joannes Fortescuus*, vir integer, Græcè Latineq; apprimè eruditus.

Laurentius Humfredus, Reipublicæ literariæ triste sui desiderium reliquit. *Oxoniensis* S. Theologiæ D. qui in Germania regnante *Mario* exul, *Originem* de recta fide & *Philonem* de Nobilitate à Græco transtulit:

tres libros *de Nobilitate*, quibus Titulum *opti-*
mates fecit, scripsit. Domum reversus *Mag-*
dalanens. Coll. Oxoniæ (in quo educatus)
 Præses factus, *Regiusq;* S. Theol. *professor*,
 publice multos annos legendo, concionando,
 & plura scribendo Ecclesiæ profuit, laudemq;
 promeruit. Nec tamen altiore in Ecclesia
 dignitatem, quàm Decanatum Wintoniensem
 consecutus: fortasse eo quòd *de Adiaphoris*
 non juxta cum Ecclesia Anglicana senserit.

M. M. X C.

F *Ranciscus Walsinghamus*, Reginae à secre-
 tis, Ducatus Lancastriæ & Ordinis Gar-
 teriani *Cancellarius*. Vir eximie prudens &
 industrius, amplissimis functus legationibus,
 purioris religionis assertor acerrimus, rerum
 occultarum indagator solertissimus; qui ani-
 mos hominum sibi conciliare & ad usus suos
 adjungere apprimè calluit: adeo ut sagacitate
 & officiis Reginae expectationem superaret;
 & Pontificii eum tanquam *subdolum* in ne-
 gotiis complicandis, hominibusq; in pericula
 prolectandis artificem sugillarent, dum laten-
 tes in Religionem, patriam, ac Principem
 machinationes solers indagaret: tantis qui-
 dem impensis, ut rem privatam extenuaret,
 & ære publico oppressus tenebris sine funebri
 celebritate ad S. *Pauli* Londini inhumaretur,
Filiam

Filiam reliquit unicam , quæ primo marito *Phil. Sydneio* filiam , secundo *Roberto Comiti Essex.* filium & filias peperit.

Thomas Randolphus Walsinghamo intimus. Juvenis Juri Civili operam in æde Christi *Oxonia* dedit , atq; Aulæ Late-patenti præfuit , varias deinde Legationes obiit. Multiplicem hanc in patriam & Principem operam Regina munere *Cemerarii* in Fisco (quod olim dignitatis plenum) Equorum dispositorum sive Angariarum præfectura , & aliquot prædiolis remuneravit. Nec ille (etsi plures habuerit liberos) ex continenti cupiditatis moderatione plura concupivit. Atque ex pio animi sensu (quod meminisse forsitan profit) *Walsinghamum* paullo ante mortem literis , quas vidi , serio admonuit , *Quam dignum , imò quam necessarium ut ille Secretarii , ipse legati techinis jam tandem valediceret , uterq; cœlestem patriam cogitarent , & pœnitendo divinam misericordiam implorarent.*

Hunc secutus est *Jacobus Crofts* , qui regnante *Eduardo VI.* *Haddingtonam* in *Scotia* contra Gallos defendit , & *Hiberniam* aliquandiu rexit : sub *Maria* Majestatis damnatus , & absolutus sub *Elizabetha* Berwico & limiti orientali præfuit , factusq; Aulæ regiae *Contrarotulator* , & in Tractatu *Bourburgensi* *Delegatus* , Anglica invidia major , (qua tamen graviter exagitus) in bona apud Principem gratia,

gratia , & integra apud omnes existimatione
consenuit & obiit.

M. D. XCI.

C*Hristophorus Hattonus* , obiit ex *Diabete*
& animi mærore quòd Regina ingentem
pecuniam ex *Decimis & primitiis* (quibus
præfuit) collectam , paullo acerbius exege-
rat , quàm pro ea , qua apud ipsum floruit ,
gratia condonandam speraret. nec hominem
verbo dejectum relevare poterat , quamvis in-
viferet , & consolatione dimulceret. Ille na-
tus è familia magis antiqua , quam opulenta ,
in agro Northamptoniensi , juvenis & con-
cinna corporis proceritate & oris dignitate
eam apud Reginam acquisivit gratiam , ut in
cohortem quinquaginta nobilium *Stipato-*
rum , & postea ob modestam morum suavi-
tatem in numerum nobilium sacrationis *Ca-*
mera asciverit , satellitibus præfecerit , pro-
camerarium instituèrit , in Sanctius Consi-
lium admiserit , demumque Angliæ *Cancellar-*
ium constituerit , & ordinis *Georgiani* ho-
nore ornaverit. Vir ingenio pio , summa in
egenos miseratione , eximia in bonarum lite-
rarum studiosos munificentia (unde *Oxonien-*
ses in *Academiæ Cancellarium* elegerunt) &
qui in gravissimo illo *Cancellarii Angliæ* mu-

nere perfungendo , rectæ voluntatis conscientia se sustentare poterat. Justa illi ad *S. Pauli* Londini honorifice soluta, & magnificum monumentum posuit *Gul. Newportus* è sorore nepos. quem in *Hattonorum* nomen adoptatum hæredem scripserat.

M. D. X C I I.

C*hristophorus Wraius* , primarius in Tribunali Regio *Justitiarius* , Jurisprudentiæ , integritatis, constantiæq; laudibus venerandus , prole felix, & bene meritis de Collegio *S. Magdalena Cantabrigiæ*. Successit in hoc munere *Joannes Pophamus* procurator Regius , vir censoria severitate.

M. D. X C I V.

G*uilielmus Alanus* , vulgo dictus *Cardinalis Angliæ*. Natus ille in Comitatu *Lancastrensi* honesta familia, & quæ aliquot clariores cognatione complexa: Educatus in Collegio *Orialesi* Oxon. ubi *Maria* regnante procurator fuit *Academiæ* , & postea in Ecclesia *Eboracensi* *Canonicus*. statim atq; Religio in Anglia mutavit, solum vertit *Duaci* in *Flandria* (ubi Academia anno M. D. LXII. incepta) Theologiam professus, & Canonica-

in Ecclesia Cameracensi donatus. *Seminarium Duaci* Anglis instituendum curavit, ut alterum postea *Rhemis* (ubi etiam Canoniatum accepit) tertium *Roma* aliaq; duo in *Hispania* ad conservandam Romanam in Anglia Religionem. præ cuius zelo, & charitatem in patriam, & officium in principem exiit. Scripsit Latine *de Eucharistia*, Anglice *Apolo-
giam pro Seminariis*, alteram pro *Catholicis Anglis*, tertiam pro *Gulielmo Stanleio* (qui Daventriam Hispanis prodidit) *Admonitionem*, & *librum de Purgatorio*; nec alia vidi.

Joannes Piers Archiepiscopus Eboracensis, *Theologus* magnus & modestus, qui diu *Reginæ* fuit *ab Eleemosynis*. Successit *Matthæus Huttonus* ab Episcopatu Dunelmensi translatus.

M. D. XCV.

Gulielmus Whitakerus, *Theologus* pietatis & doctrinæ ornamentis cumulatissimus, regius *Theologiæ* in *Academia Cantabrigiensi* XV. annos professor, & Collegio S. *Joannis* ibidem Præfectus: corpore studiis attenuato (cum quaestio *An Fides vera & justificans amitti possit*, *Theologos* ibi exerceret) humano carcere liberatur, magno sui desiderio Aca-

demicis relicto : quibus voce, vitæ exemplo, & scriptis plurimum profuit.

Rogerus Williams, Eques auratus, omnibus militaris disciplinæ muneribus felicissime perfunctus, clarissimis nostri ævi ducibus ad æquandus, si pugnacis animi ardorem cautiore prudentia temperare nosset. In hoc certè pluribus præcelluit, quod literarum rudis & solum usu edoctus, *Belgicorum Bellorum* (quibus interfuit) *Historiam* erudito judicio scripsit, & *Artem Militarem* jam receptam contra illam superioris ævi, non sine veteranorum & *Toxophilorum* invidia, libro singulari asseruit. Funeri in templo *Paulino* interfuit *Essexius* atratus & quotquot erant in urbe viri militares.

Altero post funus die *Th. Morganus*, qui *Rogero* cognato morienti adfuit, è vivis etiam exemptus. Ille item Cambrobritannus, Eques auratus, & ætate provectior, ex insigni familia *Morganorum de Pencarn* in eodem agro natus. qui bellicis studiis ab ineunte ætate innutritus, magnam laudem ex militari virtute & animi moderatione apud omnes, sed majorem apud *Reginam* ex intemerata fide consequutus, postquam assignationem magnæ pecuniæ sub *Hispani* manu ei factam, ut in suas partes pelliceret, *Reginæ* in manus tradiderat, modico quod ab illa accepit stipendio contentus.

Guilielmus Cecilius , Baro Burghleius, sum-
mus Angliæ *Thesaurarius* , assidua animi
contentione , arthritide & ætate confectus ,
angoribus se dedit , & datis ad *Reginam* lite-
ris, ut Magistratum onera deponeret , mayo-
rem in modum obsecravit. illa mox eum sub-
inde invisit , blandissime consolata , sed intra
paucos dies , cum latis naturæ, satisq; gloriæ,
patriæ autem non satis vixisset , morte adeo
placida Deo animam reddidit , ut *Adversa-*
riorum maximus se nihil illi perinde invidere
dixerit , ac ejusmodi mortem in tanta clari-
tudine ; cùm maximarum rerum ministris
exitus plerumq; sint tristiores. Vir lane præ-
stantissimus : quem (ut speciem venerandum
& vultum tranquillum taceam) ad honesta-
tem, gravitatem, temperantiam , industriam ,
& justitiam, hominem *excelsum* finxit natu-
ra , & doctrina excoluit. Accessit multiplex
& elegans dicendi copia ; nec illa affectata, sed
plana & facilis: prudentia usu corroborata ,
& moderatione summa condita , fidesq; spe-
ctatissima: sed supra omnia singularis in Deum
pietas. Ut semel dicam , Tanto consiliario
Regina erat felicissima , & salutaribus ejus
consiliis *Resp. Anglica* in æternum debet.
Natus in Com. Linc. M. D. XXI, Juvenis

humanioribus literis in Coll. S. Joannis Cantabrigiæ operam dedit : Juri in Graiensi Londini Collegio aliquanti per incubuit. Duci Sommerſettenſi Angliæ Protectori fuit à ſupplicum libellis (primus omnium , ut ex ipſo audiui , qui hoc titulo in Anglia uſus :) Mox factus eſt Regi Edwardo VI. Secretarius , & ab eodem dignitate equeſtri ornatus. Pupillorum præſecturam (ſub Elizabetha) in rem principis & pupillorum provide , in ſuam moderate , & ſuorum benefice , ſine offenſione , magna cum integritatis laudè , ut cœtera omnia , adminiſtravit : adeo ut Regina prudentiam admirata rerum ſummam illi quodammodo commiſerit. Potentiam hanc apud principem , & opes , comitabatur procerum quorundam invidia : quam ut dicere ſolebat magis patientia quàm pervicacia ſuperavit. Prudentiâ & fide jam XIII. totos annos in maximis rebus ſpectatâ , Regina eum Baronis Burghleii titulo ornavit : ſummumq; Angliæ Theſaurarium deinde conſtituit. Quo in munere malas artes pecuniam corradendi averſatus , ut rem privatam , ita & publicam induſtria & parſimonia auxit. Ægrè enim expendi quicquam poſſus eſt , niſi ad Regiæ Majeſtatis honorem , Regni deſenſionem , aut proximorum ſublevationem. In publicanos , qui portoria curarunt , ſevere , nec tamen rigide inſpexit.

inspexit. Ut *Fiscus* tanquam *Lien* incre-
 ret, & cœtera membra intabescerent, jux-
 ta ac dicere solitus, nunquam probavit; &
 in hoc nervos sane feliciter intendit, ut *Prin-*
ceps & *populus* mutuo ditescerent. Nihil *Prin-*
cipi Utile est dictitans, quod non *cum honore*
 conjunctum. Unde fundorum redditus augeri
 & *veteres colonos* conductoresq; submoveri
 noluit, quod etiam in re privata observavit:
 quam ea integritate curavit, ut ille *neminem*,
nemo illum in Jus vocaverit. Sed in laudes
 ire nolo: vere tamen dicam, inter pauculos
 fuisse, quorum vita & mors cum gloria. Tan-
 tum virum, quem alii admiratione, ego tacita
 veneratione, ut in sacris olim assolet, prose-
 quar.

Thomas Stapletonus, S. Theologiæ D. è
 Sufflexia oriundus, in novo Collegio *Oxonæ*
 educatus, Theologiæ & controversiarum in
 Acad. *Duacensi* professor ordinarius: (in Be-
 lgium enim ex studio Rom. religionis primis
Elizabethæ annis concesserat) & publicè le-
 gendo, pluresq; libros scribendo, admodum
 inclaruit.

Richardus Cosinus Cantabrigiensis. LL.
 Doct. r, Decanus de *Arcubus*: qui Ecclesia-
 sticam Jurisdictionem propugnando, gravissi-
 mæ doctrinæ & prudentiæ eximie laudem con-
 sequutus.

Edmundus

Edmundus Spenser patria Londinensis, *Cantabrigiensis* etiam Academiæ alumnus, Musis adeo arridentibus natus, ut omnes Anglicos superioris ævi poetas (ne *Chaucero* quidem concive excepto) superaret. Sed, peculiari Poetis fato, semper cum *paupertate* confectus, etsi *Greio* Hiberniæ proregi fuerit ab Epistolis. Vix enim ibi secessum & scribendi otium nactus, cum à rebellibus è Laribus ejectus & bonis spoliatus in Angliam inops reversus statim expiravit: & *Westmonasterii* prope *Chaucerum* impensis Comitum *Essexiæ* inhumatus: Poetis funus ducentibus, flebilibus carminibus & calamis in tumulum conjectis.

Thomas Bedleius, publicis Reip. curis jam liber, in curam maximis Regibus dignissimam reip. literaria adaugendæ totus incubuit. Cœpit enim restaurare publicam in Acad. Oxon. Bibliothecam ab *Humfredo Duce Gloc.* olim institutam, & temporum iniquitate, regnante *Edwardo VI.* omni libraria supellectile spoliatam. Quam, conquisitis undiq; in studiorum instrumenta lectissimis ex omni genere libris, sua pecunia & collatitia stipe ita influxit, & moriens dotavit; ut illustri æternaq; laude, dum literæ fuerint, inter maximos, & de literis meritissimos, jure optimo sit concelebrandus.

Richardus Hookerus, ex *Devonia* nobilium ingeniorum feraci oriundus, *Oxonia* in Corporis Christi Coll. educatus: *Theologus* modestia, temperantia, mansuetudine & cæteris virtutibus imitandus, & suprà multiplice eruditionis laude celebris. quam libri *De Ecclesiastica Politeia* patria lingua editi, dignissimi qui *Latine* loquantur, abunde testentur.

M. DC. I.

Robertus D'Evereux *Essexia* Comes. Vir erat virtutibus, quæ quidem nobilissimo dignæ sunt instructus singulis: Genus illi antiquum & prænobile: Juvenis bonarum literarum & veræ pietatis studiis *Cantabrigia* innutritus, à socero *Leicestrio* Reginae commendatus, & in *Equorum* præfectura susceptus: in *Georgianum* Ordinem & Sanctius consilium XXIII. ætatis anno eum adscivit Regina: exercitiis sæpius præfecit (licet eum fortuna sæpe destituerit) honoribus & beneficiis indies cumulavit, plurimiq; estimavit; quod & animi studiis honestis & corporis periculis exercere viderit. Nec ille certe ad *Aulam* factus videbatur: qui ad scelera segnis, ad offensio-

nem

nem accipiendam mollis, ad deponendam difficilis, & sui minime obtegens; sed (ut *Cuspus* mihi conqueri solitus) *αλεγεινός* & *μισοειρηνικός*, i. e. amorem & odium in fronte semper gessit, nec celare novit. Ut verbo expediam: Nemo gloriam ex virtute magis expetivit, & cætera omnia minus curavit.

Henricus Cuspus, vir exquisitissima doctrina, ingenioque acerrimo, sed turbido & toruoso.

M. DC. II.

Alexander Nowellus, S. Theologiæ D. & Ecclesiæ Sancti Pauli Londini Decanus. qui sub *Maria* in Germania ob veritatem Evangelicam exulavit: quam redux concionibus & eruditis scriptis diligentissime asseruit. Collegium *Anai Nasi* Oxoniæ (ubi educatus) annuis ducentarum librarum redditibus ad XIII. studiosos alendos adauxit: & toto vitæ decursu insigni sanctimonix exemplo præluxit. Successit *Joannes Overallus* S. Theologiæ in Academia Cantabrigiensi professor undequaq; doctissimus, *Fulcone Grevillo*, summo doctorum Mæcenate, apud Reginam commendante.

M. DC.

ELIZABETHA REGINA.

Die Martii X X I V. Vigilia Annuntiatiōis Beatæ Virginis Ila (quæ natiuitatis ejusdem vigilia in lucem edita) è corporis custodiis in æternam patriam evocata placidissime Euthanasia illa , quam *Augustus* optavit , emigravit : anno Regni XLIV. ætatis LXX. ad quem nullus Rex Angliæ antea pertigerat. Tristissimum desiderium , quod Anglis reliquit , lenivit spes optima de Regis *Jacobi* successoris virtutibus concepta. Qui post pauculas horas faustissimis omnium acclamationibus Rex declaratus. Gloriam nulla unquam obruet oblivio. Vivit enim , vivetque in animis hominum apud omnium seculorum posteritatem memoria felicissima : quippe , quæ (ut non aliis quam *Successoris* verbis utar) prudentia & felicitate Imperandi omnes inde usq; ab *Augusto* principes (absit verbo Invidia) superavit.

Forma erat imprimis venusta , & Imperio digna , gravitate modesta , ingenio splendido , animo Regio , memoria felici , & optimarum literarum studio indefesso : adeo ut ante XVII. ætatis annum *Latinam* , *Galliam* , *Italicam* linguam calleret , & *Grecam*

eam mediocriter. Nec *Musica*m , quantum Principem deceret , neglexit , ut quæ scite & jucunde caneret , psalieretq;. Cum *Rogero Aschamo* , qui ejus studiis admotus , locos communes *Melancthonis* , integrum *Ciceronem* , magnam partem Historiarum *Titi Livii* , selectas *Isocratis* Orationes (quarum duas in Lat. convertit) *Sophoclis* Tragedias , *Novumq; Test.* Grægè legit : è quibus & linguam purissima dictione , & mentem aptissima præceptione instruxit ; bonisq; literis non ad pompam , sed ad vitam & virtutem ita fuit assidua , ut *ad miraculum usq;* fuerit inter *sui seculi Principes erudita*.

F I N I S.



INDEX.

- | | |
|------------------------------|----------------------|
| 1565. T Ho. Chaloner. | 1591. Chr. Hattonus. |
| 1567. T Nic. Wotton. | 1592. Chr. Wraius. |
| 1568. Roger Ascham. | |
| 1570. Nic. Throcmorton. | 1594. Gul. Alanus. |
| 1571. Jo. Juellus. | Jo. Piers. |
| 1572. Gu. Petrus. | |
| 1573. Jo. Caius. | 1595. Gul. Whitaker. |
| 1576. Ant. Cocus. | Roger. Williamus. |
| 1577. Tho. Smithus. | Tho. Morganus. |
| 1579. Nicolaus Baconus. | 1598. Gul. Cecilius. |
| Thomas Gresham. | Tho. Stapletonus. |
| 1581. Edm. Campianus. | Rich. Cofinus. |
| 1583. Edm. Grindall. | Edm. Spenserus. |
| 1584. Edm. Plowdenus. | Tho. Bodleius. |
| 1585. Rich. Caldwellus. | |
| 1586. Philippus Sidneius. | 1599. Ric. Hookerus. |
| 1587. Radulf. Sadlerus. | |
| 1589. Gual. Mildmay. | 1601. Rob. Essexius. |
| Laur. Humfredus. | Henricus Cussus. |
| 1590. Fr. Walsingham. | 1602. Alex. Nowell. |
| Tho. Randolphus. | |
| Jac. Crostus. | 1603. ELIZ. R. |